



7. Februar 2012

Inatsisartut suleriaasianni § 37 naapertorlugu Naalackersuisunut apeqput imaattoq matumuuna saqqummiuppara:

Naalackersuisunut Apeqput:

Qasigiannugit eqqaani erngup nukissiorfiliornissamut misissuinerit manna tikillugu tunngavissanik 2010-imi 2011-imilu misissuinerit qanoq kinguneqarsimappat?

(Kristian Jeremiassen Siumut)

Tunngavilersuut

17. Maj 2010 Naalackersuisut apeqquteqaatinnut akissuteqarput Qasigiannugit eqqaani erngup nukissiorfiliornissamut apeqquteqaatinnut. Naalackersuisut akissuteqarnerat aallaavigalugu suliaq soqutigalugu killiffissiorlugu Naalackersuisunut ingerlatitsivunga maannakut.

17. Maj 2010 Naalackersuisut ilaatigut imatut akissuteqarput:

2010-mi aasap ingerlanerani qaqqami nunap ilusaanik sajuppillatsitsisarlungu misissuinerit ingerlatsisoqassaaq, pilersuinerit aqqusiassap siaarfissaa uppersineqassaaq aammalu sermip anorillu artukkiinissaanik uuttortaaniarluni misileraatissamik siaarsisoqassaaq.

Aamma imermik uuttortaasarfimmik ikkuseqqittoqassaaq erngullu ingerlanerani uuttortaasoqassalluni, taamatullu sanaartornermi teknikkimut tunngasunik arlalinnik misissuisoqassaaq.

2011-mi ilaatigut sikup pissusaanik misissuinerit aallartinneqassapput, ukiuni tulluuttuni 50-imiit 100-nut erngup sermersuarmit kuuttup erngup nukinganik innaallagissiornissamut isumalluutaasinnaanera nalunaarsorneqassalluni, tassanilu aamma qaqqami nillissutsit kissassutsillu uuttortarneqassapput, nunap qeriuannartup qanoq annertutiginera misissorneqassalluni.

Taamaammat apeqputigivara misissueqqaarnerit manna tikillugu ingerlasut qanoq kinguneqarsimappat? Imatut paasillugu erngup nukissiorfiliornissamut misissuigallarnerit manna tikillugu sanaartornissamut tunngavissarisarnersoq arlaatigulluunniit misissuinerit akimmiffiusinnaasunik nassaartoqarsimanersoq paaserusuppara.

Kissaatigaara apeqquteqaatika ullut suliffiusut qulit iluanni akineqareersimanissaat.